



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTA 0027580 25  
Sarajevo, 30. oktobar 2025. godine

Na osnovu člana 35. stav 2. tačka e) i člana 216. stav 3. Zakona o krivičnom postupku Bosne i Hercegovine (ZKP BiH), d o n o s i m:

**N A R E D B U**  
*o nesprovođenju istrage*

Postupajući po službenom izvještaju Državne agencije za istrage i zaštitu BiH broj: ... od ... 2025. godine, sačinjen po prijavi lica „(...)“,

iz razloga što iz prijave i pratećih spisa proizilazi da ne postoje osnovi sumnje da je prijavljeno lice počinilo krivično djelo.

**O b r a z l o ž e n j e**

Tužilaštvo BiH je dana ... 2025. godine zaprimilo Službeni izvještaj Državne agencije za istrage i zaštitu BiH (u daljem tekstu: Agencija) broj: ... od ... 2025. godine, iz kojeg proizilazi da su policijski službenici postupili po prijavi koja im je upućena od strane lica „(...)“ iz T. protiv korisnika ... profila „(...)“, koju prijavu je Agencija zaprimila putem službenog e-maila dana ... 2025. godine.

Iz navedenog službenog izvještaja proizilazi da se predmetna prijava odnosi na komentar postavljen na objavi koja je objavljena od strane korisnika ... stranice „(...)“ pod nazivom „(...)“ oglasio se na svom ... profilu povodom godišnjice genocida u Srebrenici“, a pozivajući se na krivično djelo propisano članom 145a. Krivičnog zakona BiH. U prilogu predmetne prijave podnosilac je dostavio isprintane fotografije zaslona telefona, odnosno predmetnog komentara koji je postavljen od strane korisnika ... profila „(...)“, kao i isprintane fotografije zaslona telefona koje se odnose na ... profil „(...)“.

S tim u vezi, policijski službenici Agencije izvršili su provjere i pretrage na internetu, kojom prilikom su korišteni podaci dostavljeni u e-maila prijavioca, kako bi se pronašla predmetna objava sa predmetnim komentarom, te je navedene prilike pronađena objava pod nazivom

„(...)“, oglasio se na svom ... profilu povodom godišnjice genocida u Srebrenici“ koja je objavljena na stranici „(...)“ 11. jula 2025. godine na društvenoj mreži ..., na kojoj je postavljeno 168 komentara, 118 reakcija i 4 dijeljenja.

Nadalje, Agencija je izvršila pregled komentara postavljenih na predmetnoj objavi koje prilike nije pronađen sporni komentar dostavljen u prilogu prijave. Također, policijski službenici Agencije su uočili da se ispod određenog broja komentara nalazi obavještenje „Odabrano je najrelevantnije pa su neki odgovori možda odstranjeni filterom“, iz čega se može pretpostaviti da su određeni komentari ili odgovori na komentare uklonjeni od strane administratora društvene mreže ...

Također, postupajući po predmetnoj prijavi policijski službenici Agencije su u svojstvu svjedoka saslušali podnosioca prijave „(...)“, koji je na zapisnik o saslušanju svjedoka broj: ... od ... 2025. godine između ostalog izjavio da je na društvenoj mreži ... korisnik ... naloga „(...)“ na navedenom članku javno negirao genocid u Srebrenici na način da je napisao komentar sljedećeg sadržaja: „(...)“ u Srebrenici nije bilo nikakvog genocida, genocid je u Jasenovcu konjino“. Svjedok nadalje navodi da je na sporni komentar postavio svoj komentar kojim ga upozorava da će ga prijaviti SIPI, na šta je prijavljeno lice odgovorilo dodatnim komentarom koji glasi: „Genocid je u Jasenovcu gdje ste pokopali 700.000 srba, a u Srebrenici 3000 i to je politički ... genocid, fašističke ...“. Također, svjedok je izjavio da je sljedeći dan provjerio da li se sporni komentar i dalje nalazi ispod objavljenog teksta, te je potvrdio da je isti izbrisan.

S obzirom na to je komentar postavljen od prijavljenog lica izbrisan, te da isti nije bilo moguće zadokumentovati od strane policijskih službenika Agencije, kao i da fotografije zaslona telefona sačinjene od strane podnosioca prijave ne predstavljaju dokaz u skladu sa Zakonom o krivičnom postupku BiH ("Sl. glasnik BiH", br. 3/2003, 32/2003 - ispr, 36/2003, 26/2004, 63/2004, 13/2005, 48/2005, 46/2006, 29/2007, 53/2007, 58/2008, 12/2009, 16/2009, 53/2009 - dr. zakon, 93/2009, 72/2013 i 65/2018), Tužilaštvo BiH je u smislu člana 216. stav 3. Zakona o krivičnom postupku Bosne i Hercegovine odlučilo kao u dispozitivu ove Naredbe.

U smislu člana 216. stav 4. Zakona o krivičnom postupku BiH, o odluci će biti obaviješten podnosilac prijave „(...)“, koji na ovu odluku ima pravo podnijeti pritužbu Uredu Tužioca u roku od 8 (osam) dana.

TUŽILAC  
TUŽILAŠTVA/TUŽITELJSTVA BiH